

# Գրական Թերթ

ISSN 1829- 1627

ՀԱՅԱՍՏԱՆԻ ԳՐՈՂՆԵՐԻ ՄԻՈՒԹՅԱՆ ՇԱԲԱԹԱԹԵՐԹ \* ՀՐԱՏԱՐԱԿՎՈՒՄ Է 1932-ԻՑ

Տղազրվում է ԿԳՄՍ նախարարության աջակցությամբ

www.grakantert.am



## ԻՇԽԱՆԱՏԵՆՉՈՒԹՅԱՆ ՀԱՄԱՃԱՐԱԿ

### Սամվել ԿՈՍՅԱՆ

Մերժված և հարություն առնելու անուրջներով տարված մի շարք ուժեր շարունակաբար փորձում են հանրությանը համոզել, որ երկիրը անդունդի եզրին է, որ այսպես շարունակվելու դեպքում երկրի և պետականության անկումն անխուսափելի է: Եվ որպես համաժողովրդական ողբի հանգավորի՝ մատնանշում են վարչապետ Նիկոլ Փաշինյանին ու նրա ղեկավարած կառավարությունը: Փրփրաբերան հայտարարում են, որ երկիրն ու պետականությունը փրկելու միակ ելքը վարչապետի հրաժարականն է: Միայն չեն ասում, թե վարչապետի հրաժարականից հետո իշխանության գալով՝ ի՞նչ են անելու և ինչպե՞ս ու ինչո՞ւ են երկիրը անդունդից դուրս քաշելու: Հավանաբար մտածում են, որ ներկա պահին առաջնահայեցիկ իշխանությունը զավթելն է, ինչից հետո այնքան էլ կարևոր չէ՝ կկարողանա՞ն անդունդը հաղթահարել, թե՞ ոչ: Ծախու լրագրողների, քաղաքագետների, իրավապաշտպանների գործառնական ծրագրերով, նպատակը՝ ամենամահապանական միջոցներով հնարավորինս վարկաբեկել Փաշինյանի ոչ միայն գործունեությունը, այլև՝ անձը, հազար ու մի մեղքերի մեջ մեղադրելով՝ ժողովրդի աչքում գորյացնել ղեկավարի նրա վարկանիշը՝ մոռանալով ֆիզիկայի ամենատարրական օրենքներից մեկը՝ ինչ ուժով ազդում էս, պիտի սպասես առավել ուժգին հակազդեցությանը: Երկրում փաստացի իշխանատենչության համաճարակ է, որի դրսևորումներն արդեն իսկ ահագանգ են, որ այն կորոնավիրուսից ավելի խորքային հետևանքների կարող է հասցնել: Նոր վարակի ախտահիշներն են հիշողության կորուստը, իրականությունը գնահատելու անկարողությունը, անողնաշար ցնորքների անվերապահորեն ենթարկվելը, դռնից դուրս հանելուց հետո պատուհանից ներս մտնելու համառությունը, ինքնաքննադատության խապառ բացակայությունը, ներկա իշխանությունից ամենուր և ամենքին բողոքելու՝ խելագարության հասցնող ցանկությունը, սաղորանքի ու շանտաժի ժանրով ստեղծագործելը: Վարակվածներից յուրաքանչյուրը մտածում է, ավելին՝ սկսել են բարձրաձայնել, որ վարչապետին տապալելուց հետո իրենք են լինելու հաջորդ իշխանությունը: Առայժմ կարևորը երկրի ճակատագրի շուրջ տագնապի ու խուճապի համաճարակը կորոնավիրուսից ավելի արագ տարածելն է, որն, ըստ իրենց սցենարի, ի վերջո թույլ կտա երազանքի հանգրվանն ապահովել: Արդեն հայտարարում են, որ վարչապետի վարկանիշը 20 տոկոսի էլ չի հասնում՝ համեստորեն լռելով իրենց վարկանիշի մասին: Նրանցից յուրաքանչյուրին թվում է՝ վարչապետի տասնյակներով կորած տոկոսներն իրենց են բաժին հասել: Ու ենթադրելի է, որ մշակված սցենարն իրականացնելու դեպքում յուրաքանչյուրն իշխանություն լինելու իր առաջնահերթությունը պիտի պաշտպանի: Եվ կարողվի, որ իշխանությանը տիրանալու հավակնորդները տասնյակից ավելի են, և, բնականաբար, առաջին պլանում կրկին կխորանա սաղորանքների ու շանտաժի ախտահիշը: Կոռուպցիան, որ երկիրն ու պետականությունը փրկելու առաքելությունն էին ստանձնել: Կփորձեն իրարից սոցիալական ապահովության տարածություն սահմանել, մեկը մյուսին վարակակիր պիտակավորել, մեկը մյուսին դավաճանության և դավադրության մեջ մեղադրել, միմյանց անաչառությունը ստուգելու թեստավորում կազմակերպել, քանի որ յուրաքանչյուրը հավատացած պիտի լինի, որ ի՞նքն է միակն ու ամենաարժանին: Իրավիճակը շտկելու ելքը թերևս կարող է այն լինել, որ կամ երկիրը տասից ավելի վարչապետ ունենա, կամ էլ իսկապես սկսեն իրենց պայքարի ժապավենը նորից պտտել՝ հիմա արդեն ոչ թե Նիկոլի, այլ՝ յուրայինների դեմ: Ի՞նչ ժողովուրդ, ի՞նչ երկիր, ի՞նչ պետություն... Չբավարարված ախորժակը կուրացնում է, չբավարարված ազգախորհուրդը թուլացնում է մկանները: Եվ սկսվելու է միմյանց վրա կուրորեն քարեր նետելու ժամանակը՝ չմտածելով քարերը հավաքելու ժամանակի մասին, քանի որ չգիտեն՝ քարերն ի՞նչ ուղղությամբ, ո՞ւմ վրա և ինչո՞ւ են նետել... Իշխանատենչության վարակից, հնարավոր է, գոհեր էլ լինեն, քանզի էլ ի՞նչ համաճարակ, որ իր դիմակավոր կամ անդիմակ գոհերը չունենա: Մինչդեռ, ժողովուրդը շարունակելու է հավատալ, որ անցյալն իսկապես անցյալում է, և որ իրական փրկությունը միայն առաջ գնալով է հնարավոր:

## ՇՆՈՐՀԱՎՈՐՈՒՄ ԵՆՔ



ՊԵՏՐՈՍ  
ԳԵՄԻՐՃՅԱՆԻ



ՆՎԱՐԳ  
ՎԱՐԳԱՆՅԱՆԻ



ՀՐԱԶԻԿ  
ԱՅՅՐԱՄՅԱՆԻ

### ՀԳՄ ԳՐԱԿԱՆ ՎԱՍՏԱԿԻ ՀԱՄԱՐ ՄԵԴԱՆՈՎ ՊԱՐԳԵՎԱՏՐՎԵԼՈՒ ԿԱՊԱԿՑՈՒԹՅԱՄԲ

### ՔՈՎԻԴ - ՔՐՈՆԻԿՈՆ

#### ԱՆՏԵՍԱՆԵԼԻ ՀՐԵՇԸ՝ ԿՈՉՎԱԾ ԺԱՀՐ

Համավարակը, որը ճարակել է երկրագունդը, հիշեցնում է հրաշապատում հեքիաթների ամոսաանելի հրեշիին:

Քոյոր հրաշապատում հեքիաթներն անպայմանորեն ունեն բարու հաղթանակն ու հրեշի պարտությունը: Մենք էլ դուրս կգանք հաղթանակով:

Սակայն առայժմ կյանքը լիովին փոխվել է ամեն մարդու համար՝ արդեն գիտակցող երեխայից մինչև 100-ամյա ծերը: Մարդը սիրում է հետաքրքրություններով լի իրական կյանքը:

Ինչը որ պատմում են, իրական է: Երեք տարեկան և մեկ ամսական աղջիկը, որը ծնողների հետ փակված է տանը, ճանճրացած միօրինակ կյանքից՝ խաղալիք հեռախոսով զանգում է Միկի Մաուսին ու զանգատվում, թե շատ վատ է զգում, չի գնում մանկապարտեզ, չի խաղում ընկերների հետ: Հետո փոխելով ձայնը՝ տալիս է Միկի Մաուսի պատասխանը, որը խորհուրդ է տալիս ինքն իր հետ խաղալ, ուտել և նման բաներ:

Համավարակի օրերին եռանդուն մարդը, որը նախապես է կազմում իր ծրագրերը, դրանք կորցրեց: Մեր ամբիոնը, բանասիրական ֆակուլտետի ղեկան Աշոտ Գալստյանի աջակցությամբ, 2020-ի ապրիլի վերջին 2 օրով միացյալ գիտաժողով ուներ Արցախի համալսարանի հետ՝ Գանձասարում: Այն նվիրված էր հայ ժողովրդի մեծագույն զավակներից մեկի՝ Ղևոնդ Ալիշանի ծննդյան 200-ամյա հոբելյանին: «Ղևոնդ Ալիշանը հանրագիտակ» ժողովածուն՝ երկու համալսարանների դասախոսների հողվածներով, արդեն լույս է տեսել: Սակայն, ավաղ, այնքան ցանկալի գիտաժողովը չկայացավ:

Շնորհիվ մեր բուռի ղեկավարության հեռատեսության՝ բանասիրական ֆակուլտետում և բուռում ուսումնական գործընթացը չստուժեց: Արդեն չորս տարի է, ինչ բուռում գործում է ուսանողներին և դասախոսներին միմյանց կապող classroom ծրագիրը, որի շնորհիվ մեկ դասաժամ անգամ պարապորդ չունեցանք: Նույն ձևով անցկացրինք ընթացիկ ու ամփոփիչ քննությունները: Պետական որակավորման քննության հանձնաժողովի նախագահ Վարդան Դևրիկյանը, հրավիրված անդամներ գրականագետ Սիրանուշ Մարգարյանն ու Պետր Յավրոսի հիանալի դպրոցի տնօրեն Մուսաննա Գավթյանը համոզվեցին, թե որքան հմուտ են տիրապետում մեր ուսանողները հեռավար ուսուցմանը: Սակայն, ինչ խոսք, առանձնահատուկ հաճույք է ուսանողին անձամբ և ոչ թե էկրանից հանդիպելը:

Համավարակը փոխեց մեր առօրյան. որոշ մոռացված հմտություններ դարձան կարևոր: Օրինակ, ինքը կարիք քո մազերը, դարձիք քո մատնահարդարը, հիշիք երիտասարդ տարիներին թխած թխվածքների բաղադրատոմսերն ու ինքը թխիր և գյուտ արածի նման հասկացիր, որ քո պատրաստածն անհամեմատ համեղ է: Ուրախացիր, որ ունես հսկա բաց պատշգամբ ու շաքարը մեկ անգամ օճառաչողով այն լվանալը համարիր ոչ թե ավելորդ հոգս, այլ՝ ֆիտնես ակումբ հաճախել: Քույրս, որն ապրում է Երևանում, և որին երեք ամիս է՝ չեն տեսել, ասում է, թե զգում է որպես երկարաժամկետ բռնաբարի դուրս եկած տիեզերագնաց: Անկեղծ ասած՝ երբ գնում են բանկոմատից դրամ հանելու, դեղատուն կամ խանութ, ինձ թվում է, թե ռմբակոծության տակ են, մանավանդ՝ ես դիմակով ու ձեռնոցով եմ, իսկ ումանք՝ ոչ:

Շատ են կարոտում մեր սքանչելի Երևանի առօրյան, հատկապես, որ չեն կարողանում գնալ ինձ այնքան հարազատ համալսարան, Մատենադարան, ակադեմիա, Գրողների միություն, հանդիպել ինձ սիրելի մարդկանց, անչափ կարոտում են ընկերուհուս՝ Լատրա Մուրադյանի կամ ընկերոջս՝ Նորայր Աղայանի հետ պարբերաբար Երևանի հիանալի սրճարաններում մեր հանդիպումներն ու մտերմիկ գրույցները: Մեզ մնում է մեծն Հովհաննես Թումանյանի նման երագել:

Լինե՛ր հեռու մի անկյուն,  
Լինե՛ր մանկան արդար բուն,  
Երագի մեջ երջանիկ,  
Հաշտ ու խաղաղ մարդկություն:



ԱՆՇԻՏԱ  
ԳՈՒՈՒՄՆՅԱՆ













